

## NEIH BANG BANG PIAK!!

-Thongginlian Gwite-

Nidanglai in Germany gam nih a kisuah a, melma bang a aki uilai un pawlkhat in tumlam Germany (West Germany) gam sung ah truck dim in niin namsia leh uih huthut tamkhop ava paih uhi. Ki muhdahna ziak a thilhih, dei huailou leh kihhuai ahi. Ki simmohna chikhat leng ahi. Thilhoihlou, thilhoihlou mah a thukthei hinapi un West Germany gam a pawlkhat in a thilhih uh thukna in van tamkhop truck dimlet zen in East Germany lam ah ava koih uhi. Thilhoihlou, thilhoih in a thuk uh; niteng nekding poimoh tanghou, bawngnawi leh adang dang van manpha tampi mah mah apia uhi. Vanlom tung ah hichiin laithem a gelh uh, "Each Gives What one Has!" (Michi in neih bang bang a pia).

Zawlnei Elijah hunlai in Elijah in meithai khat kiang ah dangtak in dawnding tuisik ava ngen a. Vuah zuklouh ziak a gamsaung a tui haksa, nekding tasam uh himahleh Elijah in meithai nu kiang ah nekding leng a ngetbeh zawmah hi! Mangbang tak in meithai in a dawng a, ka neih sunsun huanna ding chiangkang zong ka hi, huai zoh chiang in kasi ding uh a chihbehlap. Himahleh, zawlnei in a kut teitei ziak in meithainu'n a neihsun sun zawlnei gilkiat a nesak, "So, she went away and did according to the word of Elijah...1Kings 17:15). Hiai thilhoih hih ziak in meithainu leh a innkuante supna hilou in vualzawlina a suak zaw, "...and she and her household ate for many days. The gin of flour was not used up, nor did the jar of oil run dry..."(1king 17:15-16).

Nidanglai pek mah in Jerusalem khua ah Peter leh Johan thum ding in biakbuk ah ahohtouh ua, biakbuk kongbul ah khutdoh, aneu apan khebai, a tuak uhi. Nungzuipite apan bang hiam thilpiak ki lamen in ana en hi. Peter in khutdoh kiang ah, "Dangka leh dangka-eng bangmah ka neikei; himahleh ka neih sunsun kon pe ding, Nazareth Jesu Khrist min in khe in paita in, chi a" (Nas 3:6). Huchi in a dampahhi, Huan, a khut taklam a len a, a kaithouta a; huan, thakhat in a khete leh a siakmit guhte a hong hat pahta hi" (Nas 3:7). Hiai thu mitphiat kal a thiltung ahi. Peter in a neihsun sun zang manpha in chimoh, khutdoh, khebai a ding a damna a suak hi. Neih bang bang neih sunsun chillou a zat manpha ahi

Neulai a sintang lam a nute biakna aka zuihlai hun khawng in thilpiak chituam tuam a tawikhawm uh ka muzel. Tulai a sumtang i piak uh banglou in neih bangbang khuttawi lou/huan a piangte ape chiat uhi. Tuklai season ngial ah houh haichi tuamtuam thilpiak a tamthei mahmah: Tangmai, Dawnpawl, Maiteh, Maipak, Maisan, Mainou, Beteh, Baal, Umpawng, Singtangmai, Haigah, Buhhum, Sum neiten sumtang pethou uh. Hiai bang a neih bangbang kiphaltak a piak, Pathian kipahpih lamtak ahi, "...for God loves a cheerful giver" 2Kor 9:7). Awl in van thilpiakte sum a suah zel uhi. Biakna chitchiatlou ah leng a tung i gente mah, neih bangbang in kipanpih tuah uhi.

Sawltakpi Paul in Rome khua a Khristiante kiang ah thumanpha tak ana gelh "Gitlouh zoh in omkenla, hoihna in gilou zouzaw in" (Rom 12:21). Eiten bang i nei ua? Kim leh kiangte bang i hawm ua? Niin i paihkhum uhia? Ahihkei leh van anpha taksa a ding a poimoh bawngnawi, Tanghou leh sa i hawm hia? Tanchinhoih i genpih hia, tanchin sia? Kampha in i houpah hia, Kamsia in? Mi i pahtawi hia, gen sia? Michih in nei bangbang kipia ahihman in pilvang hi. A diak in Khrist in a saptuam mite'n thilhoih hih a gilou zoh ding michih mohpuak ahi.

Class	Teacher
Adult	: Siamkhanmuan & Lang James
Inter	: Jamson
Junior	: Pauminlun & Chingzachiin
Primary	: Pausuanlian & Vungngaihkim
Beginner	: Chingkhanlun & Vakthiankim

## LAISIANGTHOU TANGTEEL

### THILPIAK

26/05/2024

Rs- 48531

1Korthians 5:11 *Himahleh tu a ka hon gelhna ahihleh, kuapeuh unau chiha om ngala numeipasal kala thangtat hiam, huaiham hiam, milimbia hiam, mikousiat-hat hiam, zukhamhat hiam, lepgumi hiam ahih uh leh tuabang mite kithuahpihlou a, nek leng nekhawm lou dingin ka hon gelh ahi zaw hi.*

## BIAKNA PROGRAMME

Toupani 02/06/2024

Hun-uk	: Thangzalam
Lapi	: Sei Robert
Thilpiak	: Pauminlun
Theih gigena	: Thongginlian
Thugen	: Kamkhenthang
Thumna	: Janglet

## BIAKNA PROGRAMME

Kiginni 08/06/2024

Hun-uk	: Thangbiaklun
Lapi	: Chinlunmang
Thugen	: Pausuanlian
Thumna	: Ginminlun

## BIAKNA PROGRAMME

Toupani 09/06/2024

Hun-uk	: Thangbiaklun
Lapi	: Chinlunmang
Thilpiak	: Doukhankhual
Theih gigena	: Lang James
Thugen	: Siamkhanmuan
Thumna	: Thangliankhup

## THU TUAMTUAM

**Innlam pai** : Unaupa Jamson leh a Innkuante, Zogam ah innkuante toh summer hun nuam zang ding in hon na paisan uhi. Vuahtui tam ziak a nongkai omthei himahleh lamzang tak Lamka tung uh ahih manin kipahuai isa hi.

Aman saptuam a ngetna apiaklut bang in Saptuam Business in June 16, 2024 tan leave phalsak hi. Nuamtak a hun awl a vazat manphat ua, a gelkholh bang a Delhi hong tunkik nawn uh i deihsak hi.

Huan Innlam pai Unaute a tup bang ua hun nuam vazang a nawngkaina omlou a damtak a Delhi hong tunkik nawnpah uh i deihsak hi.

**6th Business Meeting** : Saptuam Work plan a gelkholh a ombang in, lemnanlouhna thak banghiam om kei leh Unaupa Janglet inn ah, June 09, 2024 in neih hi ding hi. Hiai hun a unaupasal ten ngai poimoh a telkim i sawm ding ahi.

**Khawlphot ding** : Tuailaiten Toupani biakna zoh a Tuailai programme a neih zel pen uh, Suty ziak a innlam pai a om zezeuh ban ah kholum a otluat ziak in tu June kha sung khawlphot ding uh hi. Lemnanlouhna om kei leh July 2024 a neih patnawn ding a lemgel ahi.

Huchimah bang in Naupangte Nipini skul leng naupangte innlam pai hunkhop om ziak in june kha sung khawlphot phasak ahi a july kha a patnawn ding a lemsak ahi. June kha sung Pichingte te toh La saksiamlouhte zilkhawmna hun a zat ding a lemsak ahi.

**Paizom ding** : Nilaini nitak dak 9 a online bible class i neihzel pen uh ahih leh khawl tuanlou in paizom ding ahi. Saptuam makaite deihna bang in unaute telkim chiat ding ahi. Huan a tel khempeuh in vanzat sia ahih kei nak leh video ON chiat ding chih ahi.

**Zin khia** : Kalpaita sung in Unaupa Siam Khan Muan Guite in a sepna lam toh kisai a training ding poimoh om ziak in Darjeeling ah hon na zinkhiaksan hi. Hiai News sut ahihtan in Delhi zuan a hong paikik lel ahih thu zak hi a, damtak a hong tun i deihsak hi.

**Bible track hawm ding** : Khris saptuam Delhi congregation malakna a, Innlam a hawm ding Bible track topic 4 (li) Thadou pau leh Paite pau a sutkhiak zoh hita hi.

Hiai nna sepsuahna ah Unaupa Khupmang Evangelist in na makaih ding a, a diak in buaina toh kisai a galtai Relief centre a omte lak tup biik hi a, hiai hun ah khuttawi Antang, Daal leh sathau chihte leng a huntawk neih ding a phasak ahi.

**Sepna kisuan** : Unaupa Thangdouloulian Delhi a Vasant Vihar branch a hun bangtan hiam a sep nung in, Halwani, Uttarakhand a sem ding in hon kisuankhiak san ta ding hi. Unaupa'n Delhi a asepsung in mimal leh Saptuam a ding in bank toh kisai in pan nastak in na la hi. Dam a hoihtak a sepna ava zop a hoihtak a hon septouh thei i deihsak hi.

**Solfa Camp** : Saptuam work plan a gelkholh bang in Lemnanlouhna dang omkei leh tu june kha tawplam in pasalte solfa camp neih ding in kisakkholhna pailal hi. Hiai hun telthei ding in Unaupasalte kuapeuh kisa khol chiat ni. Huan lohchingtak a neih ahihtheihna ding in i thumnate uah phawk chiat ni.

**Zin khe ding** : Lemnanlouhna om kei leh Unaupa Thangbiakmangte innkuan leng tu June ni 10 Chiang in Lamka lam zuan in hon na zin khiaksan ding uh hi. Innlam a nu-lepa toh hun nuam manphatak a vazat theih uh i deihsak hi.